



Broj: 01, 02-50-14-467-5,4/15
Sarajevo, 21.7.2015.

**PREDSTAVNIČKOM DOMU
DOMU NARODA
PARLAMENTARNE SKUPŠTINE BiH**

Na osnovu člana 56. Poslovnika Predstavničkog doma Parlamentarne skupštine BiH („Službeni glasnik BiH“, br. 79/14), člana 46. Poslovnika Doma naroda Parlamentarne skupštine BiH („Službeni glasnik BiH“, br. 58/14) i člana 43. Zakona o zaštiti ličnih podataka („Službeni glasnik BiH“, br. 49/06 i 76/06), Privremena zajednička komisija oba doma Parlamentarne skupštine Bosne i Hercegovine za provođenje procedure za imenovanje zamjenika direktora Agencije za zaštitu ličnih podataka u Bosni i Hercegovini na 5. sjednici, održanoj 21.7.2015., usvojila je, te Predstavničkom domu i Domu naroda Parlamentarne skupštine BiH podnosi sljedeći

IZVJEŠTAJ

o utvrđivanju prijedloga rang-liste kandidata za izbor zamjenika direktora Agencije za zaštitu ličnih podataka u Bosni i Hercegovini

I. Imenovanje članova Privremene zajedničke komisije oba doma Parlamentarne skupštine Bosne i Hercegovine za provođenje procedure za imenovanje zamjenika direktora Agencije za zaštitu ličnih podataka u Bosni i Hercegovini

Parlamentarna skupština BiH je na 9. sjednici Predstavničkog doma, održanoj 25. marta 2015., i na 3. sjednici Doma naroda, održanoj 30. marta 2015., imenovala članove Privremene zajedničke komisije oba doma Parlamentarne skupštine BiH za provođenje procedure za imenovanje zamjenika direktora Agencije za zaštitu ličnih podataka (u daljnjem tekstu: Komisija), u kojoj su:

Šemsudin Mehmedović, Momčilo Novaković i Borjana Krišto iz Predstavničkog doma, te Dragutin Rodić, Sifet Podžić i Bariša Čolak iz Doma naroda Parlamentarne skupštine BiH.

II. Zadaci i hronologija rada Komisije

U skladu s članom 43. Zakona o zaštiti ličnih podataka, te čl. 3., 5., 7., 8., 10., 11. i 12. Zakona o ministarskim imenovanjima, imenovanjima Vijeća ministara i drugim imenovanjima Bosne i Hercegovine(„Službeni glasnik BiH“, broj 37/03), zadatak Komisije bio je da usvoji potrebne akte o svom radu, te provede daljnju proceduru izbora i predlaganja imenovanja, u skladu s navedenim zakonskim propisima i aktima o svom radu te, u skladu sa Zaključkom o osnivanju Komisije, poništi raspisani konkurs Komisije iz prethodnog saziva PSBiH.

Kako bi realizirala svoje zadatke, Komisija je održala pet sjednica.

Konstituirajuća sjednica održana je 8. aprila 2015. Na ovoj sjednici članovi Komisije jednoglasno su za predsjedavajuću izabrali Borjanu Krišto, za prvog zamjenika predsjedavajuće Dragutina Rodića, te za drugog zamjenika Šemsudina Mehmedovića.

S ciljem javnosti rada, na veb-stranici PSBiH objavljeni su određeni akti, kao što su tekst Javnog konkursa i najave održavanja sjednica.

Postupajući u skladu sa svojim nadležnostima, Komisija je na 2. sjednici, održanoj 13. maja 2015., usvojila Poslovnik o radu. Poslovníkom o radu propisan je način rada, raspisivanje i uslovi javnog konkursa, dokumenti koji se prilažu uz prijavu, rad po završetku javnog konkursa, intervju - javno saslušanje kandidata, kriterij bodovanja, postupak bodovanja i utvrđivanje prijedloga rang-liste kandidata za zamjenika direktora i druga pitanja.

Na osnovu zakonskih odredbi, te odredbi čl. od 7. do 10. Poslovníka, Komisija je pripremila i donijela Odluku o objavljivanju Javnog konkursa za provođenje procedure za imenovanje zamjenika direktora Agencije za zaštitu ličnih podataka u BiH. Uslove Javnog konkursa Komisija je utvrdila na osnovu navedenih zakonskih i odredbi Poslovníka o radu Komisije.

Javni konkurs objavljen je u:

„Službenom glasniku Brčko Distrikta BiH“ i „Službenom glasniku BiH“, broj 42/15, 26. maja 2015., te na veb-stranici Parlamentarne skupštine BiH, a obavještenje o Javnom konkursu u dnevnim listovima „Oslobođenje“, „Glas Srpske“ i „Večernji list“.

Rok za podnošenje prijave na Javni konkurs bio je (zaključno) 10. juni 2015.

III. Prijavljeni kandidati, utvrđivanje ispravnosti dostavljene dokumentacije i intervju

U skladu s članom 11. Poslovníka o radu, sljedeći zadatak Komisije sastojao se u provjeri formalno-pravne valjanosti, blagovremenosti i kompletnosti prijave kandidata s dostavljenom dokumentacijom.

U ovoj fazi rada Komisija je konstatirala da se na Javni konkurs prijavilo pet kandidata, i to:

1. Ante Boras
2. Munib Isaković
3. Željka Marković-Sekulić
4. Edvin Šarić
5. Marko Vujević

Komisija je na 3. sjednici, održanoj 7.7.2015., pojedinačno i detaljno razmotrila svaku prijavu kandidata i dokumente dostavljene uz nju. Nakon uvida u dokumentaciju svakog prijavljenog kandidata, Komisija je utvrdila da svi prijavljeni kandidati ispunjavaju uslove predviđene Javnim konkursom za poziciju zamjenika direktora Agencije za zaštitu ličnih podataka u BiH.

U skladu s članom 12. Poslovnika o radu Komisije, svih pet kandidata je pozvano na intervju. O datumu, vremenu i mjestu održavanja intervjuja svi kandidati pismeno su obaviješteni.

Komisija je na 5. sjednici, održanoj 21.7.2015., obavila intervju - javno saslušanje kandidata.

Intervjuu su se odazvala svih pet prijavljena kandidata za poziciju zamjenika direktora Agencije za zaštitu ličnih podataka u BiH.

Komisija je, u skladu s članom 13. Poslovnika o radu, sačinila obrazac - tabelu za ocjenjivanje svakog kandidata za poziciju zamjenika direktora Agencije za zaštitu ličnih podataka u BiH. Broj bodova svakog kandidata količnik je sabranih ocjena koje je dao svaki intervjuu prisutni član Komisije podijeljen s brojem intervjuu prisutnih članova Komisije.

IV. Utvrđivanje prijedloga rang-liste kandidata

U skladu s članom 14. Poslovnika o radu Komisije, njen sljedeći zadatak je bio da, nakon provedene procedure, utvrdi prijedlog liste kandidata za zamjenika direktora Agencije za zaštitu ličnih podataka u BiH, prema mišljenju Komisije najuspješnijih kandidata za zamjenika direktora Agencije za zaštitu ličnih podataka u BiH. Komisija je pri tom bila obavezna ispoštovati uslove utvrđene Zakonom – zastupljenost konstitutivnih naroda. Također, Komisija se obavezala da će, poštujući zakonske odredbe Poslovnika o radu, u svom izvještaju domovima Parlamentarne skupštine BiH dostaviti prijedlog liste za zamjenika direktora Agencije za zaštitu ličnih podataka u BiH, te da će navesti imena i bodove za sve kandidate s kojima je obavljen intervju.

IV.1. Kako se Komisija, u skladu s članom 14. Poslovnika o radu, obavezala predložiti domovima Parlamentarne skupštine BiH listu kandidata za zamjenika direktora Agencije za zaštitu ličnih podataka u BiH to je u nastavku utvrdila prijedlog navedene liste:

IV.2. Nakon provedenog intervjua i bodovanja kandidata, Komisija je utvrdila sljedeću listu svih kandidata za poziciju zamjenika direktora Agencije za zaštitu ličnih podataka u BiH.

PRIJEDLOG LISTE KANDIDATA ZA IMENOVANJE ZA ZAMJENIKA DIREKTORA AGENCIJE ZA ZAŠTITU LIČNIH PODATAKA U BiH

Kandidat za zamjenika direktora	Pripadnost narodu	Broj bodova
ANTE BORAS	H	94
ŽELJKA MARKOVIĆ - SEKULIĆ	H	84
MUNIB ISAKOVIĆ	B	82
MARKO VUJEVIĆ	H	72
EDVIN ŠARIĆ	B	65

V. Dostavljanje prijedloga rang-liste kandidata za zamjenika direktora Agencije za zaštitu ličnih podataka u parlamentarnu proceduru

Komisija je na 5. sjednici, održanoj 21.7.2015., jednoglasno usvojila prijedlog rang-liste kandidata za zamjenika direktora Agencije za zaštitu ličnih podataka u BiH.

U skladu sa zakonskim i poslovničkim odredbama, Komisija dostavlja utvrđeni prijedlog liste kandidata za zamjenika direktora Agencije za zaštitu ličnih podataka u BiH Predstavničkom domu i Domu naroda Parlamentarne skupštine BiH na daljnji postupak.

Za izvjestioca o radu i o izvještaju Komisije u domovima Parlamentarne skupštine BiH određeni su:

- iz Predstavničkog doma – Borjana Krišto, predsjedavajuća Komisije
- iz Doma naroda – Dragutin Rodić, prvi zamjenik predsjedavajuće Komisije.

Predsjedavajuća
Privremene zajedničke komisije
Borjana Krišto

Dostaviti:

- Kolegiju Predstavničkog doma
- Kolegiju Doma naroda
- a/a

Prilog:

- prijedlog rang-liste za zamjenika direktora Agencije za zaštitu ličnih podataka u BiH
- biografije kandidata za zamjenika direktora Agencije za zaštitu ličnih podataka u BiH

PRIJEDLOG

**RANG-LISTE KANDIDATA ZA IMENOVANJE ZAMJENIKA DIREKTORA AGENCIJE ZA ZAŠTITU LIČNIH
PODATAKA U BiH**

Kandidat za zamjenika direktora	Pripadnost narodu	Broj bodova
ANTE BORAS	H	94
ŽELJKA MARKOVIĆ SEKULIĆ	H	84
MUNIB ISAKOVIĆ	B	82
MARKO VUJEVIĆ	H	72
EDVIN ŠARIĆ	B	65

Predsjedavajuća

Privremene zajedničke komisije

Borjana Krišto